

Ciuitas Noueria. Ciuitas Cremona. Ciuitas Bergamo. Ciuitas Lauda. Ciuitas Regio. Ciuitas Parma. Ciuitas Brixia. Ciuitas Curia.

Thuscia à Thure, quod populus illius superstitiosè in sacrificiis Deorum ^{ibidem} suorum incendere solebat, sic appellata est. Hæc habet intra se Circium versus, Aureliam, ab Orientis verò parte Vmbriam. In hac prouincia Roma, quæ olim totius mundi caput extitit, est constituta. In Vmbria verò quæ istius in parte ponitur, Perusium & Lacus Cliterius, Spoletumque consistunt. Vmbria autem dicta est, quod imbris superfuerit, quum aquosa clades olim populos deuastaret.

Campania, ab vrbe Roma vsque ad Siler Lucaniæ fluuium perdu- ^{Idem cap. 19.} citur, in qua opulentissimæ vrbes, Capua, Neapolis, & Salernus constitutæ sunt. Quæ ideo Campania appellata est propter vberimam Capuæ planiciem. Cæterum ex maxima parte montuosa est. Porro octaua Lucania, quæ nomen à quodam luco accepit, à Silere fluuio inchoat cum Brutia, quæ ita à Regina quondam suæ nomine appellata est, vsque ad fretum Siculum, per ora maris Thyrreni, sicut & duæ superiores, dextrum Italiæ cornu tenens, pertingit, in qua Pæstus & Lanius, Cassianum & Consentia, Rhegiumque sunt positæ ciuitates.

Æmilia à Liguria incipiens inter Appenninas Alpes & Padi fluua ver- ^{Idem cap. 18.} sus Rauennam pergit. Hæc locupletibus vrbibus decoratur, Placentia scilicet, Parmaque, Regio, & Bononia, Cornelijque foro, cuius castrum Imolas appellatur. Extiterunt quoque qui Æmiliam & Valeriam, Nursiamque vnâ prouinciâ dicerent: sed horum sententia stare non potest, quia inter Æmiliam & Valeriam, Nursiamque, Thuscia & Vmbria sunt constitutæ.

Flaminia inter Apenninas Alpes & mare est Adriaticum posita, in qua ^{Idem cap. 19.} nobilissima vrbium Rauenna, & quinque aliæ ciuitates consistunt Græco vocabulo Pentapolis dictæ. Constat autem Aureliam, Æmiliamque, & Flaminiam, à constratis viis, quæ ab vrbe Roma veniunt, & ab eorum vocabulis à quibus sunt constratæ, talibus nominibus appellari.

Post Flaminiam Picenus occurrit, habens ab Austro Apenninos montes, ex altera verò parte Adriaticum mare. Hæc vsque ad fluuium Piscarium pertendit, in qua sunt ciuitates, Firmus, Asculus, & Pinnis, & vetustate consumpta Adria, quæ Adriatico pelago nomen dedit. Huius habitatores cum à Sabinis illuc properarent, in eorum vexillo picus confedit, atque hac de causa Picenus nomen accepit.

Valeria, cui est Nursia annexa, inter Vmbriam & Campaniam Picenum ^{Idem cap. 20.} que consistit, quæ ab Oriente Samnitum regionem attingit. Huius pars occidua quæ ab vrbe Roma initium capit, olim ab Etruscorum populo, Etruria dicta est. Hæc habet vrbes Tyburim, Carsilis, Reate, Furconam, & Amiternum, regionemque Marforum, & eorum lacum qui Fucinus appellatur. Marforum quoque regionem ideo intra Valeriam prouinciâ æstimo computari, quia in Catalogo prouinciarum Italiæ, minimè ab antiquis descripta est.

Samnium inter Campaniam & mare Adriaticum, Apuliamque à Pisca- ^{Idem ibidem.} ria incipiens habetur. In hac sunt vrbes, Theate, Aufidena, Hisernia, & antiquitate consumpta Samnium, à qua tota prouincia nominatur, & ipsa